

類經圖翼七卷

張介賓類正

經絡

五

足太陽膀胱經穴

膀胱經穴歌

足太陽經六十三。晴明攢竹曲差叅。五處承光
接通天。絡却玉枕天柱邊。大杼風門引肺俞。厥
陰心膈肝膽居。脾胃三焦腎俞次。大腸小腸膀
胱如。中膂白環皆二行。去脊中間二寸許。上膠

次髀中復下。會陽瀕向尻旁取。還有附分在二
行。二椎三寸半相當。魄戶膏肓與神堂。譙譙膈
關魂門旁。陽綱意舍及胃倉。肓門志室連胞肓。
秩邊承扶殷門穴。浮郄相隣是委陽。委中再下
合陽去。承筋承山相次長。飛陽附陽達崑崙。僕
參申脉過金門。京骨束骨近通谷。小指外側尋
至陰

睛明

一名淚孔

在目內眥外一分宛宛中。○氣府論

註曰。手足太陽足陽明陰陽蹻五脉之會。○刺

一分半。留六呼。灸三壯。甲乙經曰。刺六分。一曰禁灸。

主治目痛視不明。見風淚出。努肉攀睛。白翳。背癢。疳眼。頭痛目眩。凡治雀目者。可久留鍼。然後速出之。

席弘賦云。治眼若未效。并合谷光明不可缺。百證賦云。兼行間。可治雀目汗氣。

靈光賦云。治努肉。

攢竹

一名始光。一名員柱。一名夜光。一名光明。

在眉頭陷者中。○刺

一分留六呼。不宜灸。甲乙經云灸三壯。明堂用
細三稜鍼刺之。宣泄熱氣。眼目大明。宜刺三分
出血。

主治目視眊眊。淚出目眩。瞳子癢。眼中赤痛。及
腮臉。動不臥。

玉龍賦云兼頭維。治目疼頭痛。

百證賦云兼三間。可治目中漠漠。

通云云。云腦昏目赤。寫此。

曲差一名鼻衝在神庭旁一寸五分。入髮際。正頭取。

之。○刺二分。灸三壯五壯。

主治目不明。頭痛鼻塞。𩑦𩑦。臭涕。頂巔痛。身心煩熱汗不出。

五處 在曲差後五分。夾上星旁一寸五分。○刺三分。留七呼。灸三壯。甲乙經曰不可灸。

主治脊強反折。瘈瘲顛疾。頭痛戴眼眩暈。日視不明。

承光 在五處後一寸五分。水熱穴論註曰五處後一寸。甲乙經五處後二寸。○刺三分。禁灸。

主治頭風風眩嘔吐心煩鼻塞不利目翳口喎。

通天

一名
天曰

在承光後一寸五分。一日橫直百會

旁一寸五分。○刺三分。留七呼。灸三壯。

主治頭旋項痛不能轉側鼻塞偏風口喎衄血

頭重耳鳴狂走瘈瘲恍惚青盲內障。

千金云瘰氣面腫灸五十壯

百證賦云能去鼻內無聞之苦。

絡却

一名強陽
一名腦蓋

在通天後一寸五分。甲乙經一

寸三分。○刺三分。留五呼。灸三壯。一日禁刺。

主治頭旋口喎。鼻塞項腫。癭瘤內障耳鳴。

玉枕 在絡却後一寸五分。甲乙經曰在絡却後

七分。夾腦戶旁一寸三分。起肉枕骨上。入後髮

際三寸。

按甲乙經之數與督脉之數不相合。

○刺三分。留三呼。灸

三壯。一曰禁刺。

主治目痛如脫。不能遠視。腦風頭項痛。鼻塞無

聞。

千金云多汗寒熱灸五十壯。刺三分。

百證賦連顙會療頭風。

天柱 俠項後大筋外廉髮際陷中。○刺二分。留

六呼灸三壯。一曰刺五分。禁灸。

主治頭旋腦痛鼻塞淚出項強肩背痛足不任身。目瞑不欲視。

百證賦云連養老治目中眵眵。○又云連束骨治項強多惡風。

大杼 在項後第一椎下兩旁相去脊中各二寸陷中。正坐取之。○海論曰衝其輪上在於

大杼。○氣穴論註曰腎脉別絡手足太陽三脉

之會。○刺三分。留七呼。灸五壯七壯。一曰禁灸。
非有大急不可灸也。

主治傷寒汗不出。腰脊項背強痛不得臥。喉痺。
煩滿。痰瘧。頭痛欬嗽。身熱目眩。癰疾。筋攣。瘕。
癰。膝痛不可屈伸。○凡刺瘧疾脉滿大者。刺。
此并諷諱穴出血。隨人肥瘦刺之。不已刺委。
中風門立已。

席弘賦云。大杼若連長強。尋小腸氣痛。卽行鍼。

風門

一名熱府

在二椎下兩旁各去脊中二寸。正坐。

取之。○督脉足太陽之會。○熱府腧也。○刺五分留七呼。灸五壯。

主治傷寒頭痛項強。目瞑。鼻衄。胸中熱。嘔逆。上氣喘。臥不安。身熱黃疸。癰疽發背。此穴能寫一身熱氣。常灸之。永無癰疽瘡疥等患。

神農經云。傷風欬嗽。頭痛鼻流清涕。可灸十四壯。及治頭疼風眩。鼻衄不止。

千金云上氣短。氣欬逆。胃背徹痛。灸百壯。

肺俞在三椎下。去脊中各二寸。又以手搭背。左

取右。右取左。當中指末處是穴。正坐取之。千金
曰。肺俞對乳。引繩度之。○刺三分。留七呼。灸三
壯。一云灸百壯。○素問曰。刺中肺。三日死。

主治五勞傳尸。骨蒸。肺風。肺痿。欬嗽。嘔吐。上氣。
喘滿。虛煩。口乾。目眩。支滿。汗不出。腰脊強痛。
背僂如龜。寒熱。癰氣。黃疸。○此穴主寫五藏
之熱。與五藏俞治同。

神農經曰。治欬嗽吐血。唾紅。骨蒸虛勞。可灸十
四壯。

千金云治吐血唾血。上氣欬逆喉痺。灸隨年壯。
○又氣短不語。灸百壯。○又治水注口中。涌
水出。灸肺俞及三陰交。隨年壯。○又癭腫上
氣短氣。灸百壯。○又盜汗寒熱惡寒。灸隨年
壯。刺五分。

玉龍賦云兼豐隆治痰嗽。

百證賦云兼天突治欬嗽連聲。

乾坤生意云。同陶道身柱膏肓。治虛損五勞七

傷緊要法。

厥陰俞

在四椎下。去脊中二寸。正坐取之。

此穴出山

跳經。甲乙經無。

○刺三分。灸七壯。

主治欬逆牙痛。心痛結胃。嘔吐煩悶。

千金云主胃中膈氣積聚好吐。灸隨年壯。

心俞

在五椎下。去脊中二寸。正坐取之。○刺三

分。留七呼。○按甲乙經曰禁灸。故世醫皆謂可

鍼不可灸。殊不知刺中心一日死。乃素問之所

戒。又豈可易鍼耶。千金方言風中心。急灸心俞

百壯。服續命湯。又吐逆不得食者灸百壯。是又

當權其緩急也。

主治偏風半身不隨。食噎積結寒熱。心氣悶亂。
煩滿恍惚。心驚汗不出。中風偃臥不得。胃絕
發癰悲泣。嘔吐欬血。發狂健忘。○此穴主寫
五藏之熱。與五藏俞同。

神農經云。小兒氣不足者。數歲不能語。可灸五
壯。艾炷如麥粒。

玉龍賦云。兼腎俞。治腰腎虛乏之夢遺。

百證賦云。兼神道。治風癰常發自寧。

捷徑云治憂噎。

一傳主療心虛遺精盜汗補之。

膈俞 在七椎下。去脊中二寸。正坐取之。○爲血之會。○刺三分。留七呼。灸三壯。一云灸至百壯。主治心痛周痺。膈胃寒痰暴痛。心滿氣急。吐食反胃。痰癖五積。氣塊血塊。欬逆。四支腫痛。怠惰嗜臥。骨蒸喉痺。熱病汗不出。食不下。腹脇脹滿。○此血會也。諸血病者皆宜灸之。如吐血衄血不已。虛損昏暈。血熱妄行。心肺二經。

嘔血。藏毒便血不止。

千金云。臌脹脇腹滿。灸百壯。三報之。○又治吐逆不得食。今日食。明日吐。灸百壯。

肝俞。在九椎下。去脊中二寸。正坐取之。○刺三分。留六呼。灸三壯。○素問曰。刺中肝。五日死。

主治氣短。欬血多怒。脇肋滿悶。欬引兩脇。脊背急痛。不得息。轉側難。反折上視。驚狂。鼽衄。眩暈。痛循眉頭。黃疸鼻痠。熱病後。目中出淚。眼目諸疾。熱痛生翳。或熱病瘥後。因食五辛。患

目。嘔血。或疝氣筋瘕相引。轉筋入腹。○此穴主寫五藏之熱。與五藏俞治同。

千金云吐血酸削灸百壯。○又胃滿心腹積聚疼痛灸百壯。○又氣短不語灸百壯。

玉龍賦云目昏血溢。肝俞辨其虛實。標幽賦云兼命門。能使瞽者見秋毫。

百證賦云兼少澤。可治攀睛。

一傳治氣痛項癰吐酸。

膽俞 在十椎下。去脊中二寸。正坐取之。○刺五